

PEOPLEPLUS

VOL.1 NO:8 (5 March 2015)

GOUVERNMAN POUR NOU TOU

Prezidan James Michel in fer nou konnen ki leta nou nasyon pa dan mal ditou, konpare avek bokou lezot pei. I donn lespwar pep Seselwa.

I'n fer kler ki la in ler pour lamazorite Seselwa viz ver son prop lakonplisman. Sesel in mont lo en lot nivo, mars ek li. Pa reste alekar. Pa debout dan en kwen. Pa asiz

nanryen fer. Pa zis kritike. Pa esper dimoun donn nou. Me aprise, kontribye nou nide, pouse, leve debrouye e donn en koudmen fer sa pei marse. Lekonomi pe bouz vit, nou osi annou bouz ek li. Pa kit nou biznes lo zis en nivo, servis ki ou ofer, pa kit li anba, annou fer progre. Gouvernman pe fer tou son mye pour fer biznes pli

aksesib e prosedir fer biznes pli senp e fasil. Seselwa si nou pa fer li la, kan nou pou fer li?

Serten pe esper lopoziyon vin opouvwar. Eski zot pe regarde ki lopoziyon in konmans fer pour zot? Pour preski 20an, nanryen. Eksepte boykot, maltrete e ensilte.

Zot ki kree fristrasyon parmi

zot dimoun. Zot ki trenn savat. Zot ki kasyet e dir zot pa la, ler zot dimoun i bezwen zot. Sel fasilite ki pour lopoziyon se bann biznes personnel. Biznes personnel ki zot fer avek led e sipor sa gouvernman. Ki sa i vedir? I vedir ki tou Seselwa i bezwen sa gouvernman. Si pa nou, lekel?

'BONNETARD' I VANN EK ENVESTIS- ER ARAB POUR 8.2 MILYON DOLAR

ARAB I BON ZIS POUR SERTEN?

PROTEKSYON LANVIRONNMAN I DEVWAR ZIS PREZIDAN MICHEL?

Vre letan nou kras anler i tonm dan nou figur. Serten endividi dan lopoziyon ti pe ensilte Prezidan Michel ek gouvernman lo Facebook e dan zournal akoz later Cap Ternay, kan saler zot ti pe anmenn en lager pour vann en gran morso later avek investiser Arab.

(Kont...p.2)

HERE I AM (LA MON LA)

2015

WAVEL I KONN FER MAZIK?

(Vwar...p.2)

ARAB I BON ZIS POUR SERTEN?

Sa ki fer sa zistwar pli pa gou se ki en morso sa later i dan rezerv nasyonal (Morne Seychellois National Park). Sa later i sitie dan leo Ase Boileau apele "Grand Bois" pli koni parmi piblik konman 'Bonnetard Estate'.

Sa group investiser ki'n aste sa propriyete i sorti Abu Dhabi e zot anrezistre Sesel anba lakonpanyen

apele UAE Village Limited.

I annan Seselwa ki annan drwa vann zot later ek Arab menm si rezerv me letan gouvrenman ki annan en pep pour sonnyen e en pei pour fer fonksyonnen i konsider lenvestisman avek etranze, serten i ensilte e maltrete. Napa ki zot pa dir e fer.

La zot pa war Arab Sheikh Khalifa ki pe aste zot later.

Propriyeter in ale vini avek sa later 'Bonnetard' kot gouvrenman, e sa kes in antre sorti dan kabinet. Me alafen zot in ganny permisyon pour vann zot later malgre sa bout rezerv, apretou set en later prive. Selman zot konsyans ki ti pou decide si zot vann oswa non. Si zot rezerv sa bout proteze pour son lenportans ekolojik. Me zot in decide vann tou akoz byensir i anmenn plis larzan. Laba osi en letid lanvironnman ti ganny fer pour determin lenportans sa bout proteze.

Sa later ki total plis ki 150 ektar, in benefisyete detrwa endividi enkli Philippe Boullé, ki son konpany Kathleen Pillay in donn lanmen fer politik bon marse lo proze Cap

Ternay, lo Facebook.

Personn pa'n fer lamars pour boykot sa lavant, Prezidan Michel pa'n pini personn malgre rezerv e Prezidan Michel pa pe anpes Arab donn zot larzan. Nou rekonnnet ki probableman sa bann arab pour fer devlopman ki pou benefisyete Seselwa me i pa anpese ki nou reakte lo lipokrizi serten dimoun akoz zot koz tro bokou.

Zot toultan war ki larzan Arab pa bon kan i benefisyete lepep. Proteksyon lanvironnman se devwar zis Prezidan Michel e nonpa tou dimoun akoz ler i benefisyete dimoun ki dan lopezisyon, napa problemn. Annou vann, annou les devlope. Sa kalite ipokrit i fer lopezisyon degoutan!

NOUVEL WAVEL DAN TODAY

Dan en let ki in pibliye dan zournal 'Today' in Seychelles' Sanmdi le 28 Fevriye 2015, ser Reveran Wavel Ramkalawan, in akiz son frer piblikman pour ekskli lezot eritye later zot manman, e an retour Wavel in benefisyete ek propriyete ek larzan.

Lider SNP, en boug ki aspire vin prezidan Sesel, ankor pe ensilte e zour dimoun akoz son ser in dir piblikman ki letan i zwenn zot, se tou ki i fer, olye amikalman asize e rezourd zot siti-asyon. Wavel in sipoze aste sa later selman pour 50 mil

roupi avek son manman san ki son ser ek son frer ti konnen. Aparaman, sa later, kan i ti ganny vann an 2008 ti vo plis ki sa 50 mil ki Wavel in sipoze peye. Lo sa later ti deza annan en lakaz ki ti pour manman Wavel e Wavel ek son fanmiy ti reste dan sa menm lakaz. Apre sa in kase pour fer son gro sato.

Lizanne pe konsey Seselwa pour fer atansyon avek sa zafer apwent en ekzekiter pour zer propriyete.

Ki kapab arive? En ekzekiter i kapab vol tou e apre zve fase.

11 September at 10:20 · Edited · Like · 7



Kathleen Pillay Well said Jacques...proof that our government is not really interested in Seychelles interest but rather the interest of a few well placed individuals who are benefiting from these special friendships.

11 September at 09:14 · Like

● Ekstre komanter Ms Pillay lo relasyon Sesel ek Arab... en vre lipokrizi

